



ՄԱՍԼՈ ՀԱՂՈՐԴԱԳՐՈՒԹՅՈՒՆ

28 նոյեմբեր, 2017թ.

Երևան

Ճամբարակում ՔՀԿ-ները քննարկեցին նոր օրենսդրության խնդրահարույց դրույթները

«Հասարակական կազմակերպությունների մասին» նոր օրենքով կատարված նորամուծությունները քննարկվեցին Ճամբարակ քաղաքում և հարակից շրջաններում գործող քաղհասարակության կազմակերպությունների (ՔՀԿ) ներկայացուցիչների կողմից:

Տեղի ունեցած քննարկում-դասընթացը կազմակերպվել էր Եվրամիության կողմից ֆինանսավորվող «Կառուցողական երկխոսության հանձնառություն» ծրագրի շրջանակում: Միջոցառմանը մասնակցում էր 12 ՔՀԿ ներկայացուցիչ, որոնց ավելի քան 60 տոկոսը կանայք էին :

«Վերջին երեք տարում չեմ հիշում, թե մեր տարածաշրջանում այսպես ՀԿ-ները մի սենյակում հավաքվեին և մի կարևոր խնդիր քննարկեին»,- նշեց Կայուն զարգացման նախաձեռնությունների «Աստղացույթ» ՀԿ նախագահ Իրինա Հովհաննիսյանը՝ կարևորելով ծրագրի ներկայացուցիչների այցը Ճամբարակ:

«Կառուցողական երկխոսության հանձնառություն» ծրագրի նպատակը Հայաստանում ՔՀԿ-ների ազդեցության ուժեղացումն է հանրային քաղաքականությունների մշակման գործընթացում: Ծրագրի նպատակներն ու մինչ այս կատարված աշխատանքները ներկայացրեց Իրավաբանների հայկական ասոցիացիայի նախագահ և ծրագրի ղեկավար Կարեն Զաղոյանը: Այնուհետև նա ներկայացրեց նոր օրենքի այն դրույթները, որոնց առավելագույնս ուշադիր պետք է լինել գործունեության ընթացքում:

Ծրագրի գործընկեր ՓՄՁ ասոցիացիայի գործադիր տնօրեն Հակոբ Ավագյանը ներկայացրեց ձեռնարակատիրության իրավունքից օգտվելու դեպքում ծագող հիմնական խնդիրները, որոնցից մեկն այն է, որ ներկայումս բավականին բարդ է հասկանալը, թե որ եկամուտներն են համարվում ձեռնարակատիրությունից ստացված և հարկվում, իսկ որ եկամուտները՝ ոչ:

Նրա խոսքով, այս հարցի վերաբերյալ նախնական պատասխան է ստացվել, որ ֆինանսների նախարարությունում ստեղծվել է հանձնաժողով, որին կարելի է դիմել, ներկայացնել համապատասխան փաստաթղթերը և ստանալ խորհրդատվություն այն մասին, թե կոնկրետ եկամուտների դեպքում հարկում կլինի, թե՛ ոչ:

Գնահատելով համագործակցությունը Ճամբարակի միջոցառմանը հրավիրված էր նաև Եվրամիության կողմից ֆինանսավորվող «Համայնքային զարգացում սոցիալական ձեռնարակատիրության միջոցով» ծրագրի համակարգող Արեգ Թադևոսյանը: Վերջինս դասընթացի



Ծրագիրը ֆինանսավորվում է Եվրոպական միության կողմից:

Իրավաբանների հայկական ասոցիացիա

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոու-հատն, ռեսուրսներն ու ուղիները: 50 տարվա քնդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային գանձառությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ:

Հայաստանում Եվրոպական միության պատվիրակություն

Հասցե՝ Նալբանդյան 7, բն. 2 Երևան, Հայաստան, 0010

մասնակիցներին ներկայացրեց սոցիալական ձեռնարկատիրությանը զբաղվելու և հաջողելու կարևորագույն սկզբունքները, պատասխանեց նրանց հետաքրքրող հարցերին, ինչպեսև խորհրդատվություն տվեց ոլորտային հարցերի վերաբերյալ:

«Արեգունի» սոցիալական զարգացման ՀԿ նախագահ Գայանե Խաչատրյանն էլ մեծապես կարևորեց իրենց քաղաքում նման միջոցառման կազմակերպումը՝ նշելով, որ հաճախ ոլորտային նորությունները իրենց ավելի ուշ են հասնում: Եվ այս դասընթացի արդյունքում պարզ դարձավ, որ ուժեղ և ազդեցիկ լինելու համար անհրաժեշտություն է ՀԿ-ների ցանցեր ստեղծելը, ինչի ուղղությամբ պետք է աշխատանք տարվի:

Նշենք, որ քննարկում-դասընթացից հետո «Կառուցողական երկխոսության հանձնառություն» և «Համայնքային զարգացում սոցիալական ձեռնարկատիրության միջոցով» ծրագրերի ներկայացուցիչները այցելեցին մարզում գործող սոցիալական ձեռնարկատիրություններ՝ Clay House կերամիկական արտադրամաս և «Արեգ» տիկնիկային թատրոն: Այստեղ նույնպես ձեռնարկատիրական գործունեության վերաբերյալ ծրագրի ներկայացուցիչները իրավաբանական, հարկային և բիզնես ոլորտին առնչվող խորհրդատվություն տվեցին:

«Կառուցողական երկխոսության հանձնառություն» ծրագիրն իրականացվում է ԵՄ ֆինանսավորմամբ՝ «Իրավաբանների հայկական ասոցիացիա» ՀԿ-ի կողմից գործընկերներ «Ագորա Սենթրլ Յուրոփ» ՀԿ-ի (Չեխիա), «Ժողովրդավարական կրթության հայկական կենտրոն-ՄԻՎԻՏԱՍ» ՀԿ-ի, «Մարդկային զարգացման միջազգային կենտրոն» ՀԿ-ի, «ՓՄՁ Համագործակցության Ասոցիացիա» ՀԿ-ի և «Հայաստանի համայնքների միություն» իրավաբանական անձանց միության հետ համագործակցությամբ:

Ծրագրի նպատակն է մեծացնել քաղաքացիական հասարակության կազմակերպությունների (ՔՀԿ) և դրանց կոալիցիաների/ցանցերի ազդեցությունը հանրային քաղաքականության մշակման գործընթացի վրա: Մա հնարավորություն կտա կազմակերպություններին (ովքեր արդեն իսկ աշխատում են թիրախային կոալիցիաներում) ձեռք բերել նոր ռեսուրսներ, քաղհասարակության փորձագետներին միավորել և խրախուսել իրենց մասնակցությունը տեղական և ազգային քաղաքականությունների օրակարգի ձևավորմանը, հատկորոշել ընդհանուր խնդիրներն ու առաջնահերթությունները և դիմել կառավարությանը՝ կառուցողական և ռազմավարական քաղաքականության վերաբերյալ նախաձեռնություններով:

Ծրագրի շրջանակներում ենթադրամաշնորհներ կտրամադրվեն ՔՀԿ-ներին և ՔՀԿ-ների կոալիցիաներին, որոնք կուղղվեն հանրային քաղաքականությունների զարգացմանն ու կունենան շոշափելի արդյունքներ 9 թիրախային ոլորտում, որոնցից են արդարադատությունը, կրթությունը և բիզնեսը:

Իրավաբանների հայկական ասոցիացիան (ԻՀԱ) ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրագեկ է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Լրացուցիչ տեղեկությունների համար կարող եք դիմել աշխատանքային օրերին՝ ժամը 9.00-18.00; հեռ.՝ 540199; ֆաքս՝ 580299; URL՝ <http://www.armla.am>, <http://ccd.armla.am>, էլ. փոստ՝ info@armla.am:



Ծրագիրը ֆինանսավորվում է Եվրոպական միության կողմից:

Իրավաբանների հայկական ասոցիացիա

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոու-հաուն, ռեսուրսներն ու ուղիները: 50 տարվա քնդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային գանձադրությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ:

Հայաստանում Եվրոպական միության պատվիրակություն

Հասցե՝ Նալբանդյան 7, բն. 2 Երևան, Հայաստան, 0010

Դեմոսիոս՝ +37410 54 64 04

Տեղեկություններ՝ +37410 54 64 03